

疆村丛书

疆村丛书

龍州詞目錄

卷上

六州歌頭

附二

沁園春

十一

八聲甘州

四犯翦梅花

小桃紅

天仙子

竹香子

卷下

賀新郎

七

水龍吟

念奴嬌

滿江紅

二

水調歌頭

二

祝英臺近

二

輓轡金井

唐多令

臨江仙

蝶戀花

謁金門

鷓鴣天

柳梢青

好事近

清平樂

醉太平

長相思

沁園春

摸魚兒

雨中花

附

附

龍洲詞卷上

西昌 劉過 改之

六州歌頭

弔武穆鄂王忠烈廟

中興諸將誰是萬人英身草莽人雖死氣填膺尙如生
年少起河北劍三尺弓兩石定襄漢開虢洛洗洞庭北
望帝京狡兔依然在哀犬先烹遇舊時營壘荆鄂有遺
民憶故將軍淚如傾說當年事知恨苦不奉詔僞耶
眞臣有罪陛下聖可鑒臨一片心萬古分茅土終不到
舊姦臣人世夜白日照忽開明袞佩冕圭百拜九原下
榮感君恩看年年二月滿地野花春鹵簿迎神

六州歌頭

淮西帥李訢和仍爲書廟額

高皇神武善駕馭豪英攘北狄驅羣盜命天膺救蒼
生柰夢繞沙漠隔溫清屈和好召大將歸兵柄列樞
庭公指汴京威已振河洛不顧身烹失一時幾會嗟
左袵吾民痛岳家軍孰扶傾久沈冤憤七十載還
復遇帝王眞表遺烈錫王號日照臨激士心始識安
劉計寧禍已是忠臣我乘傳訪壁壘想精明英氣凜
然若在仍題扁昭揭天恩笑原頭荒草一死不能春
交怨人神

六州歌頭

鎮長淮一都會古揚州升平日朱簾十里春風小紅樓
誰知艱難去邊塵暗胡馬擾笙歌散衣冠遽使人愁屈
指細思血戰成何事萬戶封侯但瓊花無恙開落幾經
秋故壘荒些似含羞 悵望金陵宅丹陽郡山不斷綢
繆興亡夢榮枯淚水東流甚時休野龍炊煙裏依然是
宿貔貅歎燈火令蕭索尙淹留莫上醉翁亭看濛濛雨
楊柳絲柔笑書生無用富貴拙身謀騎鶴來遊

沁園春

代壽韓平原

玉帶金魚綠鬢朱顏神仙畫圖把擎天柱石空留綠野
濟川舟楫間機西湖天欲安劉公歸重趙許大老勳誰

得如平章處看人如伊呂世似唐虞
不須別樣規模
但收攬人才多用儒況自昔軍中膽能寒虜而今胸次
氣欲吞胡紫府真人黑頭元宰收斂神功寂似無歸來
好正芝香棗熟鶴瘦松臞

沁園春

張路分秋闕作

萬馬不嘶一聲寒角令行柳營見秋原如掌槍刀突出
星馳鐵騎陣勢縱橫人在油幢戎韜總制羽扇從容裘
帶輕君知否是山西將種曾系詩盟
龍蛇紙上飛騰
看落筆四筵風雨驚便塵沙出塞封侯萬里印金如斗
未愜平生拂拭腰閒吹毛劒在不斬樓蘭心不平歸來

晚聽隨車鼓吹已帶邊聲

沁園春

送辛幼安弟赴桂林官

天下稼軒文章有弟看來未遲正三齊盜起兩河民散
勢傾似土國泛如杯猛士雲飛狂胡灰滅機會之來人
共知何爲者望桂林西去一騎星馳離筵不用多悲
喚紅袖佳人分藕絲種黃柑千戶梅花萬里等閒遊戲
畢竟男兒入幕來南籌邊如北翻覆手高來去棋公餘
且畫玉簪珠履倩米元暉

沁園春

寄辛稼軒

古豈無人可以似吾稼軒者誰擁七州都督雖然陶侃
機明神鑒未必能詩常袞何如辛公聊爾干騎東方侯
曾稽中原事從匈奴未滅畢竟男兒平生出處天知
筭整頓乾坤終有時問湖南賓客侵尋老矣江西戶口
流落何之盡日樓臺四山屏障目斷江山魂欲飛長安
道筭世無劉表王粲疇依

沁園春

寄孫竹湖

問訊竹湖竹如之何如何未歸道吳山越水無非佳處
來無定止去亦何之只怕秋來未能忘耳心與輕雲一
樣飛愁無奈但北窗寄傲南澗題詩人生萬事成癡

算世上久無公是非恨雲臺突兀無君子者雪堂流落
有美人兮疏雨梧桐微雲河漢鐘鼎山林無限悲陽山
縣問昌黎誤汝汝誤昌黎

沁園春

盧菊澗座上時座中有新第宗室

一劒橫空飛過洞庭又爲此來有汝陽璫者唱名殿陛
玉川公子開宴尊疊四舉無成十年不調大宋神仙劉
秀才如何好將百千萬事付兩三杯未嘗戚戚于懷
歎自古英雄安在哉看錢塘江上潮生潮落姑蘇城裏
花謝花開道號先生強名舉子漸老雪從頭上催誰羨
汝擁三千珠履十二金釵

沁園春

寄辛承旨時承旨招不赴

斗酒斁肩風雨渡江豈不快哉被香山居士約林和靖
與坡仙老駕勒吾回坡謂西湖正如西子濃抹淡妝臨
鏡臺二公者皆掉頭不顧只管傳杯白言天竺飛來
圖畫裏崢嶸樓閣開愛縱橫二澗東西水遶兩峰南北
高下雲堆逋曰不然暗香浮動不若孤山先訪梅須晴
去訪稼軒未晚且此徘徊

沁園春

送人赴營道宰

萬里湖南江山歷歷皆吾舊遊看飛鳧仙子張帆直上

周郎赤壁鸚鵡滄洲盡吸西江醉中橫笛人在岳陽樓
上頭波瀾靜泛洞庭靑草重整蘭舟長沙會府風流
有萬戶娉婷簾玉鉤恨楚城春晚岸花檣燕還將客送
不與人留且喚陽城更招元結摩撫三關歌詠休心期
處筭世閒真有騎鶴揚州

沁園春

贈豐城王禹錫

自注銅瓶作梅花供尊前數枝說邊頭舊事人生消得
幾番行役問我何之小隊紅旗黃金大印直待封侯知
幾時杯行處且淋漓一醉明日東西如椽健筆鸞飛
重爲寫春風陌上詞便平生豪氣銷磨酒裏世閒此樂

兒輩爭知霜冷貂裘夜寒如水飲到月斜猶未歸仙山路有笙簧度曲聲到琴絲

沁園春

遊湖

柳思花情湖山應怪先生又來想舊時談舌依然解使六丁奔走驅斥風雷翠袖傳觴金貂換酒痛飲何妨三百杯人間世筭謫仙去後誰是天才碧窗畫鼓船齋胸次與乾坤一樣開試雲閒招手下呼餘子逡巡去矣但覺塵埃若是花時無風無雨一日須來一百回教人道看玉山自倒不用人推

沁園春

蘇州黃尚書同夫人惠齋遊報恩寺

緩轡徐驅兒童聚觀神仙畫圖正芹塘雨過泥香路輭
金蓮白策小小籃輿傍柳題詩穿花勸酒麝蕊攀條得
自如經行處有松篁夾道不用傳呼清泉石下盤紆
筍風景江淮各異殊記東坡賦好紗籠舊壁西山句妙
簾捲晴虛白玉堂深黃金印大無此文君載後車杯行
處看淋漓醉墨真草行書

八聲甘州

送湖北招撫吳獵

問紫崑去後漢公卿不知幾貂蟬誰能借留侯筓著祖
生鞭依舊塵沙萬里河洛染腥羶誰識道山客衣鉢曾

傳 共記玉堂對策欲先明大義次第籌邊況重湖八
桂袖手已多年望中原驅馳去也擁十州牙纛正翩翩
春風早看東南王氣飛繞星躔

四犯翦梅花

上建康錢大郎壽

水殿風涼賜環歸正是夢熊華旦

解連環

疊雪羅輕稱

雲章題扇

醉蓬萊

西清侍宴望黃傘日華籠輦

雪獅兒

金券三王玉堂四世帝恩偏眷

醉蓬萊

臨安記龍飛

鳳舞信神明有後竹梧陰滿

解連環

笑折花看橐荷香

紅潤

醉蓬萊

功名歲晚帶河與礪山長遠

雪獅兒

麟脯

杯行狨轡坐穩內家宣勸

醉蓬萊

小桃紅

在襄州作

晚入紗窗靜戲弄菱花鏡翠袖輕勻玉纖彈去小妝紅
粉畫行人愁外兩青山與尊前離恨宿酒醺難醒笑
記香肩竝暖借蓮顚碧雲微透暈眉斜印最多情生怕
外人猜拭香津微搵

天仙子

初赴省別妾于三十里頭

別酒醺醺渾易醉回過頭來三十里馬兒不住去如飛
牽一憩坐一憩斷送煞人山與水是則是功名終可
喜不道恩情拚得未雲迷村店酒旗斜去也是住也是